

Concurso de relatos y poemas en aragonés ribagorzano
CONDAU DE RIBAGORZA Ayuntamientos de Estadilla, Fonz y Graus

Terra ruixada
Jorge Pueyo

Edición 2018
Poema Ex aequo

El mont siempre va ser la mia casa
i la familia el millor fogaril

El mundo heva demasiau gran
como pa quedar-se a este llugar
Este llugar e demasiau chicot
Como pa ir-se-ne i no tornar pas

Torno pa
tornar a
sentir truenos,
pa sentir
tronadas de
tambors
como tozadas
a las tozas
que fan
torrocs
la
terra terra terra
terra terra terra terra terra terra
terra terra terra terra terra terra

Baldián las campanas
tocan a muerto
las siento dende el terrau,
las siento yo endentro.

Ixe zagal que s'en va ir tan lejos, torna ta casa i se mira al espejo.
Ixe zagal tan plleno de suenios, s'en va ir del mont i s'en va llevar el miedo.
¿Quí e ixo home? Pregunto al espejo, on yo me miraba, on yo me foi viello

Se siente olor
a terra muixada,
se siente olor
a vida ruixada.
Torno ta casa
te miro a los güellos
astí me foi fuerte
ara no hi tengo miedo, ara no soi pas viello.